

皇清經解

皇

清

經

解

皇清經解卷七百五十八

尚書今古文注疏

陽湖孫觀

星行著

周書九

召誥第十八

注史遷說周公行政七年成王長周公反政成王北面就羣臣

之位成王在豐使召公復營洛邑如武王之意周公復卜申視

卒營築居九鼎焉曰此天下之中四方入貢道里均作召誥洛

誥大傳說周公攝政五年營成周七年致政

疏史公說見周本紀以營洛邑作

召誥為在七年反政之時者據經文云王朝步自周下文云周

公朝至於洛周公至是不稱王經文又云錫周公曰又有旦曰

故知在反政之後也此蓋孔安國古文說周書作雒解亦云及

將致政乃作大邑成周於土中漢書律厯志亦云周公七年復

子明辟之歲是歲二月乙亥朔庚寅望後六日得乙未故召誥

曰云云見下丙午朏疏大傳以為在攝政五年者今文異說也

鄭氏從大傳

惟二月既望越六日乙未注史遷說成王七年二月乙未鄭康

成曰是時周公居攝五年二月三月當爲一月二月不云正月

者蓋待治定制禮乃正言正月故也

疏望假借字說文作望云月滿與日相望以朝君

也从月从臣从王王朝廷也古文作釋名云望月滿之名也月大十六日小十五日日在東月在西遙相望也越者漢書注文穎云踰也既望是十六日踰六日則二十一日也史記說見魯世家云二月乙未者不破經文二字爲一與鄭異也書疏云是月朔是乙亥望是己丑既望是庚寅鄭注見周禮大司徒疏及詩文王疏云是時周公居攝五年者據大傳說周公攝政五年營成周也與史記魯世家以爲在七年歸政之時不同云二月三月當爲一月二月者謂此經當爲一月既望下文爲二月丙午朔也江氏聲云既望十六日也乙未二十一日鄭知然者以洛誥戊辰烝是居攝七年十二月日此是居攝五年事計五年三月至七年十二月凡三十四月其間餘分積至二萬八千九百七十六有奇以九百四十分之日法除之則三十日有餘矣則五年六年之終必置一閏則五年三月朔至七年十一月晦已匝三十四月若三月丙午朔其甲辰朔也推之五月當癸

朔不得有戊辰若此二月爲一月下文丙午朔是二月則七年十二月丁巳朔戊辰乃其十二日鄭說誠是也云不言正月云云者鄭自解已注當爲一月不言當爲正月之意也武王初有天下以建子月爲年首而稱一月不云正月武成篇一月王辰是也時未遑制禮故改月而不稱正周公攝政非正爲王遵而不改至六年周禮成而洛誥當七年時猶詔王稱殷禮明必待七年反政之明年爲成王元年乃稱正月故云待治定制禮乃正言正

月也

王朝步自周則至于豐注馬融曰周鎬京也豐文王廟

所在朝者舉事上朝將卽土中易都大事故告文王武王廟鄭康成曰步行也堂下謂之步豐鎬異邑而言步者告武王廟卽行出廟入廟不以遠爲父恭也於此從鎬京行至于豐就告文

王廟告文王則武王可知

疏馬注見史記集解云周鎬京者周自后稷居邰公劉遷豳大王遷岐

文王遷豐武王遷鎬說文鎬武王所都在長安西上林苑中鎬言鎬京者詩文王有聲云宅是鎬京也白虎通號篇引詩云命此文王于周于京云此改號爲周易邑爲京也據此則文王已稱周京故武王遷鎬亦曰京也云豐文王廟所在者說文作豐

云周文王所都在京兆杜陵西南史記索隱云豐文王所作邑後武王都鎬於豐立文王廟按豐在鄠縣東臨豐水東去鎬二十五里也云告武王廟者考親於祖既告祖廟必及禰也鄭注見史記集解及詩王風譜疏曲禮疏父恭曲禮疏作文恭云步行者說文義也云堂下謂之步者釋宮文云告父廟則武王可知與馬義同也惟太保先周公相宅注

史遷說使太保召公先之維相土鄭康成曰相視也疏

史公相宅作相

土者相度其土地可以作宅也鄭注見史記集解云相視釋詁文

越若來三月惟丙午朏疏

越同

粵釋詁云於也若者鄭注周禮云而讀為若聲之誤也則若與而聲相近來者釋詁云至也越若來言於是而至三月也漢書律麻志引武成篇粵若來三月周書世俘解越若來三月義並同朏者說文云月未盛之明引此文月三日也漢書律麻志云後二歲得周公七年復子明辟之歲是歲二月乙亥朔庚寅望後六日得乙未故召誥曰惟二月既望粵六月乙未又其三月甲辰朔三日丙午召越三日戊申太保朝至于洛卜宅厥既得誥曰惟三月丙午朏越三日戊申太保朝至于洛卜宅厥既得卜則經營注史遷說其三月周公往營成周雒邑卜居焉曰吉

遂國之疏

越三日戊申者三月丙午朏又踰三日則戊申月五日也丁未至戊申自豐至洛行十四日吉行日五十

里豐至洛七百里也周官太卜云國大遷則貞龜故須得卜言得吉兆也經營者詩靈臺云經之營之傳云經度之也箋云度始靈臺之基越三日庚戌太保乃以庶殷攻位于洛汭注鄭康址營表其位

成曰汭隈曲中也

疏

庚戌月七日庶者釋詁云眾也攻者詩傳云作也位者鄭注周禮天官辨方正位謂

定官位周書作維解云乃作大邑成周于土中城方千七百二十丈鄆方七十里南繫于洛水北因于邾山以爲天下之大湊又云乃位五宮大廟宗宮考宮路寢明堂注云五宮宮府寺也大廟后稷廟二宮祖考廟考廟也路寢王所居也明堂在國南者也案考古者六尺四寸爲步三百步爲里則一里之長百九十二丈依考工記匠人營國方九里則當云方千七百二十八丈周書云千七百二十丈畧其餘數也言庶殷者謂眾殷民洛汭在洛入河之處史記周本紀云武王曰自洛汭延于伊汭說文云汭水相入也鄭注見書疏以汭爲隈曲中者說文云隈水曲隈也杜氏注左傳云水曲流爲汭越五日甲寅

位成若翼日乙卯周公朝至于洛則達觀于新邑營注鄭康成

曰史不書王往者王於相宅無事也

疏

甲寅月十一日翼同星說文云明日也達者鄭

注樂記云具也達觀言具觀之營謂營域鄭越三日丁巳用牲注周禮云兆爲壇之營域是也鄭注見書疏

于郊牛二疏越三日說文粵于也審慎之詞周書曰粵三日丁亥案即此文亥當為己自申寅翼日數之月十四

日也郊者易乾鑿度云三王之郊一用夏正據上云三月正夏

正建寅之月王郊是正祭當以上旬行禮于鎬京此因始立郊

兆而特祭天配以后稷也周書作維解云乃設丘兆于南郊以

祀上帝配以后稷日月星辰先王皆與食用牲牛二者帝牛一

稷牛一也郊特牲云郊特牲而社稷太牢貴誠也郊惟用特牛

禮以少為貴無羊豕也公羊宣三年傳云養牲養二卜帝牲不

吉則取稷牲而卜之帝牲在于滌三月于稷者惟具是視郊特

牲亦云帝牛不吉以為稷牛帝牛必在滌三月稷牛惟具所以

兆事天神與人鬼也又云于郊故謂之郊牲用騂尚赤也用犢

貴誠也案洛誥云騂牛此不言其色者時尚稱殷禮用白牡也

越翼日戊午乃社于新邑牛一羊一豕一疏戊午月十五日社

句龍配郊特牲云社祭土而主陰氣是社祭為土神也春秋左

氏昭二十九年傳云共工氏有子曰句龍為后土后土為社謂

句龍生為后土之官死則配食于社故鄭注周禮云共工氏之
子曰句龍食于社是也周書作維解云乃建大社于中國其壝
東靑土南赤土西白土北驪土中央疊以黃土白虎通社稷篇
云王者所以有社稷何為天下求福報功人非土不立非穀不
食土地廣博不可徧敬也五穀眾多不可一一祭也故封土立
社示有土尊稷五穀之長故封稷而祭之也尚書曰乃社于新

邑又云社稷以三牲何重功故也尚書曰乃社于新邑羊一牛一豕一案稷爲封稷而祭以后稷配經不言稷舉社以該之也云牛一羊一豕一者王制云天子社稷皆太牢鄭注周禮云三牲牛羊豕具爲一牢案句龍配社后稷配稷蓋以人鬼配土穀之神猶郊之以稷配天也僞孔云句龍后稷祀爲社稷與王肅謬說同又以社稷共牢皆誤越七日甲子周

公乃朝用書命庶殷侯甸男邦伯厥既命殷庶庶殷丕作疏

甲子

月二十日朝用書者春秋左氏昭三十三年傳云土彌牟營成周計丈數揣高卑度厚薄仞溝洫物土方議遠邇通量事期計徒庸慮材用書饌糧以令役于諸侯蓋周公以此等書于冊以命于侯甸男之邦伯也丕者釋詁云大也作者釋言云爲也太

保乃以庶邦冢君出取幣乃復入錫周公注鄭康成曰所賜之

幣蓋璋以皮及寶玉大弓此時所賜召公見眾殷之民大作周

公德隆功成有反政之期而欲顯之因大戒天下故與諸侯出

取幣使戒成王立于位以其命賜周公疏

以同與鄉飲酒禮云主人與賓三揖鄉射

禮作主人以賓三揖是也錫者釋詁云賜也鄭注見書疏云蓋璋以皮及寶玉大弓者公羊春秋定八年云盜竊寶玉大弓傳

云寶者何璋判白弓繡質龜青純是魯有此璋及寶玉大弓也
定四年左傳云分魯公以大路大旂夏后氏之璜封父之繁弱
則璋與寶玉大弓非封魯公之分器知是此時所賜于周公者
傳無正文故言蓋以疑之云以皮者周禮小行人合六幣璋以
皮是璋必薦以皮也案公羊傳璋即寶玉鄭以璋與寶玉大弓
殊言之者何氏注公羊云半圭曰璋白藏天子青藏諸侯魯得
郊天故錫以白不言璋言玉者起圭璧琮璜璋五曰拜手稽首
玉盡亡之也傳獨言璋者所以郊事天尤重也

旅王若公疏旅者釋詁云陳也言旅王若公則王在矣洛誥云

都未來當于使來告卜之後來洛也故上誥告庶殷越自乃御
文鄭注云不書王往王于相宅無事也

事嗚呼皇天上帝改厥元子注鄭康成曰言首子者凡人皆云

天子之子天子為之首耳疏鄭注見書疏以茲大國殷之命惟

王受命無疆惟休亦無疆惟恤嗚呼曷其奈何勿敬疏疆者詩

也釋詁云休慶也恤憂也曷者廣雅釋詁云何也天既遐終大邦殷之命茲殷多先哲

王在天疏遐俗字當為假釋詁云假已也哲者釋言云智也越

厥後王後民茲服厥命疏服者詩傳云服政事也後王謂紂也厥終智藏瘵在注

鄭康成曰瘵病也瘵一作鰥疏藏俗字當為鰥釋文云藏劉作臧高誘注呂

氏春秋云藏潛也瘵俗字當為鰥釋文云藏劉作臧高誘注呂

之終卽紂時也紂政不善智者知幾而藏匿在者困于行役詩

何草不黃云何人不矜箋云無妻曰矜從役者皆過時不得歸

故謂之矜書堯典疏引書傳孔子對子張曰詩云何草不元何

人不鰥暫離室家尚謂之鰥此書傳卽大傳是鰥為離家行役

之人偽傳以瘵在為在位之臣或又以為病民者在位俱非也

瘵郭氏注爾雅夫知保抱攜持厥婦子以哀鰥天祖厥亡出執

引此文作鰥疏夫者鄭注曲禮若夫云丈夫知者釋詁云匹也保同縱說文

疏云小兒衣也鰥者說文云呼也徂者釋詁云在也執者廣雅

釋言云魯也言丈夫之有匹偶者繼負其子攜疏云云顧也懋者釋

持其妻屬以哀號呼天在者喪亡出被迫脅疏云云懋懋勉也疾者釋詁

四方民其眷命用懋王其疾敬德疏眷者說文云顧也懋者釋

云速疾也言天亦哀此四方窮民其眷顧大命用

勉于敬德者以為民主王其速敬德以答天意

相古先民有

夏天迪從子保面稽天若注鄭康成曰面猶回向也今時既墜

是青經

卷五

孫觀察尙書今古文注疏

五

此為試讀，需要完整PDF請訪問：

www.ertongbook.com

厥命今相有殷天迪格保面稽天若今時既墜厥命

疏

相者釋詁云視

也迪與攸通見前疏子當讀如字亦見上疏釋詁云格陞也保

安也面者鄭注周禮云猶鄉也稽者鄭注周禮云猶考也若者

釋言云順也陞俗字當為隊說文云從高隊也格者釋言云來

也言視古先人有夏天所從字愛保安之夏王亦鄉考天心而

順之今時既殞其大命矣今視有殷天所陞保殷王亦鄉考天

心而順之今時既殞其大命矣謂後王不能承天受命也鄭注

見書疏云面猶回向者漢書項籍傳云馬童面之注今冲子嗣

面謂背之不向也鄭云回向回猶背也言背而向之

則無遺壽者注壽者亦作者老曰其稽我古人之德矧曰其有

能稽謀自天

疏

冲子謂成王也考者釋詁云耆老壽也言今冲

德以其或能考謀以從天即上所云面稽天若也漢書孔光傳

云今年耆有疾後艾大臣惟國之重其猶不可吕闕焉引書文

作無遺

耆老

嗚呼有王雖小元子哉其不能誠于小民

疏

元者釋詁云首也不

語詞誠者說文云和也引此文不作不言

王雖幼冲亦天之首子其能和于小民也

今休王不敢後用顧

畏于民

疏

休者釋詁云美也顧謂眷顧暑者說文云暑暑也

引周書曰畏于民暑讀與嚴同民嚴猶民險也康

詰曰小人難保言今之美王不敢後用天之眷顧下畏于民情之險江氏聲云說文引此文不連顧字漢儒以顧字屬上讀是也王應麟因學記間執文志考皆以說文品多言也為此暑字段氏王裁駁之案品說文讀與聶同緩讀則同暑許氏訓以為多言或即暑字

王來紹上帝自服于土中

注鄭康成曰自用疏

本義亦未可定紹者釋詰云繼也自者詩傳云用也服同段說文云治也土中謂王城于天下為中也論衡難歲篇云儒者論天下九州以為東西南北盡地廣長九州之內五千里竟三河土中周公卜宅經曰王來紹上帝自服于土中雒為中謂之洛邑周禮大司徒職孝經援神契曰八方之廣周洛為中謂之洛邑周禮大司徒職以土圭之法測土深正日景以求地中曰南則景短多暑日北則景長多寒日東則景夕多風日西則景朝多陰日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉白虎通京師篇云尚書王者必即土中何所以均敘道平往來使善易以聞惡易以聞明當懼慎此且曰其作大邑其自時配皇天祀祀于上說自服土中之義也

下其自時中又王厥有成命治民今休疏

稱旦者曲禮云君前臣名召公述周公之

言曰其作大邑其從是配天慎祀于上下神祇其從是致治于中土王其有天之成命治民今獲休慶釋詰云從自也時是也

悲愼也又同變說文云
治也休者釋言云慶也

王先服殷御事比介于我有周御事

注

介一本作介節性惟日其邁王敬作所不可不敬德

疏此召公

意節性者呂氏春秋重己篇云節乎性也注云節猶和也性者
天命五常之性說文云人之陽氣性善者也所者一切經音義
二引三蒼云處也邁者釋言云行也言王先治殷治事之臣及
比近于我周治事之臣節和其性思日行之甚速勉之以疾敬
德也王之治羣臣以敬自處不可不敬德介日本人山井鼎云
足利古本作途偽孔傳釋爲比近則亦作途字介文與余相似
故後又增我不可不監于有夏亦不可不監于有殷我不敢知
爲邇也

日有夏服天命惟有历年我不敢知曰不其延惟不敬厥德乃

早墜厥命我不敢知曰有殷受天命惟有历年我不敢知曰不

其延惟不敬厥德乃早墜厥命今王嗣受厥命我亦惟茲二國

命嗣若功

疏歷者釋詁云艾歷也詩傳云艾久也是歷亦爲久

短我皆不敢知惟知其皆以不敬德故早失天命今王繼王乃
受其命我亦思此二國命之所以墜以爲監戒而繼其功

初服嗚呼若生子罔不在厥初生注嗚呼一作於戲疏

生者鄭注周禮

云猶養也說文云育養子使作善也論衡率性篇云召公戒成王曰今王初服厥命於戲若生子罔不在厥初生生子謂十五子初生意于善終以善初生意于惡終以惡其有所漸化為善惡猶藍丹之染練絲使之為青赤也青赤一成真色無異案云十五子者學記云大學之法禁於未發之謂豫注云未發情慾未生謂年十五時白虎通辟雍篇云古者所以年十五入大學何以為入歲毀齒始有識知入學學書計七八十五陰陽備故十五成童志明入大學學經術案十五為太子入學之年故王氏以釋經若生子謂若養子教之初生謂情欲初生也王乃初服論衡作今王初服厥命者疑并上今王嗣受厥命變其詞非經文異字嗚呼作於自貽哲命今天其命哲命吉凶命歷年知戲者今文皆如是

今我初服宅新邑肆惟王其疾敬德王其德之用祈天永命疏

貽俗字釋文貽多云本作詒詩箋云詒猶傳也肆者釋詁云故也祈者說文云求福也永者釋詁云長也言王初服如教子之初自傳之以明哲之命今天其命明哲命吉命凶與命年歲之永短均未可知所可知者今我王初服厥命宅茲新邑今惟王其速敬德耳言王其敬德以祈求天命之永長用以也屬祈天永命讀為句偽孔以用字斷句上屬非知或語詞說文云知詞

也案說文弼亦詞也俗矧字與知
字形相近或當爲矧今我初服
其惟王勿以小民淫用非彝

亦敢殄戮用乂民若有功

疏注者高誘注呂氏春秋云過也釋
詁云彝法常也殄盡也戮者廣雅

釋詁云罪也乂者釋詁云治也若者釋言云順也言王勿以
小民有過爲非法者因敢盡罪以治民惟順敘則有功也 其

惟王位在德元小民乃惟刑用于天下越王顯**疏**釋詁云元首

光也言王位居天德之首小民乃
法之以用于天下于王光顯矣 上下勤恤其曰我受天命不

若有夏歷年式勿替有殷歷年欲王以小民受天永命**疏**恤者

云憂也不詞也釋言云式用也替廢也言君臣相與勤勞憂恤

共期于有夏歷年之久用勿廢有殷歷年之久欲王以小民受

天長命也潛夫論正列篇云人君身修正賞罰明者國治而民

安民安樂者天悅喜而增祿數故書曰王以小民受天永命蓋

勤恤卽安民安民乃命 拜手稽首曰予小臣敢以王之讎民百

永是說此經之義也 拜手稽首曰予小臣敢以王之讎民百

君子**注**鄭康成曰拜手稽首者召公既拜興曰我小臣以下言

召公拜訖而復言也百君子王之諸臣與羣吏越友民保受王

威命明德王末有成命王亦顯疏

離與稠聲相近文選補亡詩注引蒼頡云稠眾也廣雅釋

詁云離輩也鄭注禮記云君子謂大夫以上友同有白虎通三綱篇云友有也保者釋詁云安也末者孔晁注周書云終也召公拜手稽首謙稱予小臣敢以王之眾民及百官之有民者安受王之威命明德則王終有成命王亦光顯矣鄭注見書疏云百君子王之諸臣與羣吏者君者釋詁云大也子我非敢勤惟者男子之美稱統云百者故為諸臣與羣吏也

恭奉幣用供王能祈天永命疏

勤者說文云勞周書克殷解王人即位于社召公奭贊采供者

孔晁注周書諡法云奉也言我非有勤勞於國徒敬供贊采之職而已用奉王能祈天永命重勉之以敬德也

皇清經解卷七百五十八終

嘉應生員張嘉洪校

皇清經解卷七百五十八終 孫觀察尙書今古文注疏